

**A.T.A. TA REAFIRMA
SOSTEN PA KLM ARUBA
MARATHON PA TRES
AÑA MAS**



WWW.SOLODIPUEBLO.COM



SOLODIPUEBLO@GMAIL.COM



**FRACCION DI MEP A ENTREGA
CONSEHO DI PROF. ELZINGA
RIBA RIJKSWET HOFA NA
PRESIDENTE DI PARLAMENTO
DI ARUBA**

Fraccion di MEP

**E PEOR COS CU POR A PASA E VELD
SOCIAL TA GABINETE AVPFUTURO**

Interes pa proteccion di muchanan a cay di 100 pa o!



**PROFESSOR ELZINGA A
CONFIRMA: E BESTUUR-
LIJKAKKOORD NO TA
BINDEND**


Cu esaki AVP y Futuro por bay
baña macaco!



**PARTI DI UN
CAS A KIMA Y
UN PERSONA A
RESULTA HERIDA**



A.T.A. TA REAFIRMA SOSTEN PA KLM ARUBA MARATHON PA TRES AÑA MAS



Aruba Tourism Authority (A.T.A.) ta masha orguyoso pa reafirma su sosten continuo na KLM Aruba Marathon. A.T.A. hunto cu Foundation Run in the Sun, organizado oficial di KLM Aruba Marathon, a

firma un acuerdo dia 16 di October, 2025. E acuerdo a ser firma pa Ronella Croes, CEO di A.T.A., y Kees van Muiswinkel, Fundado y Presidente di KLM Aruba Marathon. E acuerdo ta encera cu A.T.A. lo ta



patrocinando e evento pa tres año, garantizando continuidad pa 2026, 2027 y 2028.

“E crecimiento continuo di KLM Aruba Marathon ta demonstra e potencial di Aruba den e mercado di bienestar y ta reenforza nos imagen pa e biaheronan en busca di experiencianan activo y cu proposito”, asina Ronella Croes a expresa.

KLM Aruba Marathon ta atrae participante for di mas cu 40 pais,


mientras ta pone enfasis riba e beyes natural di Aruba, su hospitalidad y comunidad. Cu e acuerdo firma, e colaboracion ta refleha e vision comparti pa posiciona Aruba como un destinacion sostenibel cu enfoca riba salud y bienestar.

“Nos ta sumamente agradecido pa e confiansa continuo, sosten y colaboracion profesional di Aruba Tourism Authority,” Kees van Muiswinkel a bisa. “Hunto nos ta

traha pa eleva calidad y visibilidad di KLM Aruba Marathon cada año.”

A.T.A. ta sigui duna sosten na e iniciativa cu a demonstra tin un impacto positivo den e posicionamento turistico di nos isla. A.T.A. ta orguyoso di contribui tambe asina ki na bienestar di nos comunidad, brindando un oportunidad unico na nos comunidad pa disfruta di un marathon y di haci esaki cu otro aficionadonan di diferente otro pais.

TA IMPORTANTE PA TUMA MEDIDANAN DI PRECAUCION DURANTE DIANAN DI CALOR



Durante e ultimo dianan nos por a tuma nota di un calor extenso, temperatura hopi halto y un solo fuerte. Durante e dianan cu ta sigui comunidad por bay sigui experiencia esaki cu por ta peligroso pa nos salud. Pa combati e fenomeno di naturalesa aki no ta posibel, pero

si nos por tuma accion pa proteha nos mes y otronan y tambe preveni consecuenecianan pa motibo di e calor extenso.

e calor aki. Ta hopi importante pa vigilanan constantemente y refresca nan curpa pa wanta e temperatura abou y

hidrata nan cu suficiente likido pa evita un posibel heatstroke, cu ta un condicion hopi delicado caminda cu e curpa ta stop di soda.

E temperatura di curpa ta sigui subi mas cu 40° grado Celsius y ta perhudica e centro di control cu ta regula e temperatura

corporal den nos cerebro.

Sintomanan di un heatstroke ta:

- Temperatura corporal halto den corto tempo
- Cara y cuero cora y seco
- Por cuminsa saca of haña diaree

FRACCION DI MEP A ENTREGA CONSEHO DI PROF. ELZINGA RIBA RIJKSWET HOFA NA PRESIDENTE DI PARLAMENTO DI ARUBA



Parlamentario Xiomara Maduro den number di Fraccion di MEP a haci entrega na Presidente di Parlamento, di e conseho di Prof. Elzinga riba e propuesta di Rijkswet HOFA, un documento cu ta analisa su impacto riba autonomia di Aruba.

Segun Prof. Elzinga, e Ley di Reino HOFA ta limita e budgetrecht, es decir, e derecho di Parlamento di Aruba pa maneha y aproba su propio presupuesto, y tambe e

amendementsrecht, e derecho di Parlamento pa propone y aproba cambianan di ley cu ta trata e maneho financiero di Aruba.

E profesor ta adverti cu Rijkswet HOFA ta duna Hulanda poder pa aproba of rechasa decision financiero y legislativo di Aruba, loke ta reduci independencia di Aruba su Parlamento. Ademas, e ley no ta necesario, pasobra Aruba ya tin sistema di control financiero cu ta

funciona.

Fraccion di MEP ta enfatisa cu e conseho ta mustra claramente cu e Rijkswet HOFA ta mina autonomia di Aruba y ta debilita e poder democratico di Parlamento di Aruba.

Cu entrega di e conseho na Presidente di Parlamento, tur Parlamentario ta haya acceso na e conseho importante aki, y Pueblo por spera cu Parlamento lo por hiba un debate informa riba e Rijkswet HOFA.

Fraccion di MEP

E PEOR COS CU POR A PASA E VELD SOCIAL TA GABINETE AVPFUTURO

Interes pa proteccion di muchanan a cay di 100 pa 0!

Fraccion di MEP ta den deliberacion cu varios stakeholders di e veld social, y ta hañando senjalnan alarmante di mal maneho. E gobierno AVP y Futuro tin o interes den proteccion di nos muchanan.

Gobierno anterior, Gabinete Wever-Croes 1 tabata e prome gobierno pa pone hopi atencion den e veld social, y a inverti sumanan cuantioso. E veld a sinti su mes scucha y balora. Den Gabinete Wever-Croes 2 a sigi construi riba e fundeshi cu Gabinete Wever-Croes 1 a construi, y a trece mas animo den e veld.

Codigo di Proteccion, Signs of Safety, Early Warning System, Departamento di Mucha y Hoben, Family Justice Center, Stichting Hunto, tur ta iniciativanan sumamente valioso den e cadena di proteccion di nos muchanan indefenso.

E gobierno di AVP cu Futuro a bin manera cu un rabia y pasa machete den tur cos. Tur cos mester para, pa cuminsa di nobo. Ministernan Gerlien Croes y Mervin Wyatt-Ras ta parse di tin rabia riba e profesionalnan, y no kier duna nan espacio pa traha manera ex ministernan Glenbert Croes y Rocco Tjon si a duna nan. Fraccion



di MEP a sigura e profesionalnan cu nan lo no laga esaki asina, y lo cuestiona gobierno riba e forma di traha aki. Fraccion di MEP a

sigura e veld, cu nan no ta nan so y cu por conta riba e sosten di Fraccion di MEP semper.

Parlamentario Dangui Oduber:

CONSENSUS RIJKSWET HOFA TIN GOBIERNO Y COALICION RIBA 'MUTE'

Tanto gobierno como coalicion NO kier duna informacion kico ta consecuenecianan di e consensus rijkswet Hofa pa nos autonomia!

Di luna di januari 2025 fraccion di MEP ta wardando pa hiba un debate publico den parlamento riba e tema di rijkswet. Lunanan a pasa y te dia 29 augustus 2025 (8 luna despues) presidente di parlamento a yama e reunion di rijkswet. Pa nos sorpresa e reunion aki a wordo cancela despues di algun minuut cu e pretexto cu parlamento mester di tempo pa bay revisa y lesa e rijkswet Hofa pa despues e debate tuma lugar.

Loke a sosode e dia aki y cu e consensus rijkswet Hofa ta anti constitucional y anti democratico. Raad van State tawata hopi cla den

su conseho y a bisa cu ora islanan den reino ta trata un consensus rijkswet, e gobierno mester presenta e proposicion di e rijkswet na parlamento prome cu esaki wordo manda pa conseho di minister di reino. Na Aruba e gobierno di Avp-Futuro a "bypass" parlamento, NO a presenta e ley di consensus Hofa aki ningun dia na parlamento di Aruba y a manda esaki pa conseho di minister di reino!

E acto di gobierno aki ta condenabel paso nan a falta respet pa e organo di mas halto y nan a kita derecho di parlamento pa trece cambio den e ley

Hofa. Awor aki parlamento ta "buitenspel" y nos NO por trece ningun cambio mas den e rijkswet Hofa. Un rijkswet cu segun profesornan hulandes ta mina y kita nos autonomia. Un rijkswet cu nunca mas nos no ta sali for di dje, un rijkswet caminda gobierno di Aruba ta acepta pa nos wordo trata desigual cu islanan den reino hulandes. Un consensus rijkswet cu ta bay kita un parti grandi di nos status aparte, un rijkswet cu na final di dia ta kita nos Libertad.

Ta insolito pa pensa cu tin politiconan cu kier entrega y bende nos pais pa un sakito di placa. Ta mas

insolito pa pensa cu nan kier entrega nos finanzas publico, nos autonomia financiero siendo cu aki 5 aña caba nos debe di pais a baha bao di 50%! Aruba tin supervision financiero anca den e landsverordening financieel toezicht, Aruba ta cumpliendo cu tur e normanan, Aruba ta pagando su debenan cu Hulanda y ya caba nos debe a baha cu 50%! Bisando esaki no tin ningun motibo valido y ningun hustificacion pa acepta e rijkswet Hofa.

Tristo ta cu gobierno y coalicion ta coriendo pa e debate publico, no kier



duna informacion, no kier ta transparente y ta sconde pa pueblo. Si e rijkswet Hofa tin asina hopi beneficio pa pueblo pakico nan NO ta sali splica esaki? E pregunta principal ta keda, dicon Aruba mester acepta e Consensus Rijkswet Hofa?

PARTI DI UN CAS A KIMA Y UN PERSONA A RESULTA HERIDA



Korvetstraat - Diamars mainta rond di 11'or y 48 alarm central ta avisa polis di un cas na candela, den Korverstraat.

Mesora unidadnan tanto di brandweer y di polis a sali pa e sitio, unda e cera un parti pa evita auto pasa.

Informacion tawata indica

cu e candela ta cerca di 3 boter di gas y cu e lo por pasa over pa un cas cerca.

Bomberonan cu a yega a mira cu e cas no tawata na candela, pero si un bijbouw. Mesora a dominana e candela. Ambulance a wordo pidi pa un homber cu tawata cerca y e lo a inhala huma y no tawata sinti su mes bon.

Paramediconan cu a presenta a controla e



cabayero pero lo no a haya necesario bay cu ne Hospitaal.

Pa locual ta e cas mes,

huma a drenta tur caminda haciendo cu pa awe(diamars) nan lo no por keda eyden.

E realidad cu algun no kier admiti

JORDAN JIMENEZ: ESAKI TA E GOBIERNO CU TA TRAHA PA E PUEBLO

E comunidad ta sinti un conexcion grandi cu su mandatarionan actual. Esaki semper ta e caso ora e signatura aki ta na mando, ta locual cu Jordan Jimenez a expresa durante encuentro di Accion di Bario recientemente.

Un bario trankil y dushi pa biba aden. Manera sa pasa hopi, cu algun hende ta afecta un vecindario, esaki tambe ta e caso di Cura Cabay Zuid pero esaki nunca a stroba e habitantenan di continua cu nan esfuerso di mantene e compleho limpi y bunita.

E hoben Jimenez tin basta tempo ta biba den e bario y a indica cu e bario ta un bon bario. E ta inspira di bira un musico grandi, ta enrikese su mes cu conocemento via buki y informacion. E tin un gran pasion pa musica.

Jimenez ta kere firmemente den su potencial sin nunca worry cu influencia y comentario y/of conseho negativo. “Mi sa ken mi ta y kico mi por logra”

Su deseo di mas grandi ta di mira su mama y nan situacion mehora. Nan ta bin di un hogar caminda su mama a lanta tres yiu homber riba su mes y Jordan semper a conta cu sosten di su mama cu te dia di awe ainda ta brinda su ayudo na cada un di nan.

Jordan a biba e cambio y mira ehempel di e diferencia den un gobierno cu ta traha y lucha pa bienestar di e comunidad.

Jordan Jimenez ta afirma cu mayoria hende sa e realidad ey, cu esaki ta un gobierno cu

su meta ta mira su hendenan bay dilanti. Na momento cu e gobierno a cambia na 2017, tur cos a bay atras. Ta algo

cu hopi no kier admiti, pero esey ta e gran berdad.


“Mi ta sinti e energia y ta kere cu nos lo logra y bay dilanti”,



100 Years Of Superior Experiences

Bo tarheta di Debito nobo ta cla pa busca!

Fechanan	Prome letter di bo number
Sep 22 - Oct 3	A, B, C, D, E
Oct 6 - Oct 17	F, G, H, I, J, K
Oct 20 - Oct 31	L, M, N, O, P, Q
Nov 3 - Nov 14	R, S, T, U, V, W
Nov 17 - Nov 21	X, Y, Z



Card Pick-up Center – EPB Oranjestad (Hato)
dialuna pa diabierna, 9:00 am – 5:00 pm

Tuma Nota

- ☒ Trece bo ID valido ora di busca bo tarheta
- ☒ Si otro persona ta busca bo tarheta, e mester trece e formulario di autorizacion firma y un copia di bo ID.
- ☒ Si bo a ricibi bo tarheta entre januari y augustus 2025, ya bo tin bo tarheta nobo caba. Bo no mester busca mas.
- ☒ Si bo a ricibi un email cu ta indica cu bo tarheta ta caduca na september 2025, bo taheta ta cla pa busca na Aruba Bank Hato.
- ☒ E distribucion aki ta solamente pa tarhetanan cu ta caduca desde october 2025.

www.arubabank.com

Arubabank®

FORTIFICANDO RELACION CU TUR COMITE OLIMPICO NACIONAL DEN CARIBE

Presidente Wanda Broeksema a representa COA na Asamblea General di CANOC



Durante fin di siman cu a pasa, Presidente di Comité Olimpico Arubano (COA) Sra. Wanda Broeksema a representa COA na Asamblea General di



“Caribbean Association of National Olympic Committees” (CANOC). Na e Asamblea aki cu a tuma luga na Georgetown-Guyana, a participa 19 pais

di nos region, unda hiba dialogonan interesante den cuadro di desaroyo di deporte den Caribe. Presidente di CANOC Sr. Keith Joseph a habri e asamblea ta gradici Comité Olimpico di Guyana pa nan hospitalidad y compromiso pa alinea deporte cu e desaroyo social y economico di nan pais.

Banda di e paisnan presente, a conta cu presencia di Comité

Olimpico di Paraguay cu a firma un “Memorandum of Understanding” (MOU) cu CANOC pa asina colabora riba desaroyo deportivo den region. E compromiso aki di ambos banda ta muestra un interes grandi di kier traha riba e nivel di maneho deportivo den region y fortifica e relacion entre e diferente Comité Olimpico Nacional.

Finalmente, Gobierno di Guyana y demas pais a aplaudi e esfuersonan di

CANOC cu a muestra un gran nivel di liderasgo pa cu e “strengthening of sports governance and capacity building”. Banda di esaki, a mira un tremendo nivel di colaboracion entre e paisnan participante y ta mira esaki como un bon oportunidad pa intercambio di conocimiento y fortifica e deseo comun di kier traha na bienestar di deporte den Caribe. #TEAMARU

GOBIERNO Y TUR DEPARTAMENTO CONCERNI TA SIGUI MONITOR SITUACION DI TEMPO

Diamars mainta gobierno a duna un update relaciona cu e situacion di tempo, pa asina tene e comunidad informa riba posibel yobida fuerte cu por afecta nos isla.

Comunicacion entre gobierno Crisis Management Office (CMO) y Departamento di Meteorologico Aruba (DMA) ta sigui monitor e situacion di Tormenta Tropical Melissa. Segun pronostico te na e momento aki, tempo lo keda instabil algun dia mas.

Prome Minister Mike Eman tabata den contacto estrecho durante fin

di siman pa evalua riba e decision di yama un conferencia di prensa pa asina brinda un update di e formacion di mal tempo den region. Den careda di 11:00 AM a ricibi informacion cu e status a cambia pa un Tropical Storm cual a anticipa diabierna siman pasa.

Mirando cu e ta basta nord di nos isla, nos no ta premira un impacto directo, asina mes ta pidi e comunidad pa ta cauteloso riba efecto secundario cu nos lo por ricibi den e transcurso di e dianan aki.

A yega di sosode den pasado cu

efectonan di un of otro tormenta den region a laga atras, a cuaso dañonan grandi y ta pa es motibo aki mes ta keda cauteloso y ta pidi e comunidad pa sigui monitoria cualkier cambio di tempo.

Ta conseshabel pa tene cuenta cu cambio di biento y lama bruto cu ta efectonan cu e mal tempo por trece cu ne. Nos ta afortuna cu mayoria mal tempo lo keda pa nord di nos isla. Prome Minister a expresa di ta convivi cu nos isla rumannan y esnan den region, cu ta pasando den un mal tempo basta fuerte cu



hopi awa, strena y lamper. Ta haci un apelacion na e comunidad pa keda pendiente y alerta pa cualkier eventualidad.

Parlamemntario Endy Croes

PROFESSOR ELZINGA A CONFIRMA: E BESTUURLIJAKAKKOORD NO TA BINDEND Cu esaki AVP y Futuro por bay baña macaco!

Presidente di Parlamento Marlon Sneek despues di a ricibi hopi presion di tur banda y di tur nivel no por a keda sconde mas pa Mike Eman riba e tema di Rijkswet y a manda yama e reunion aki 29 di October proximo. Pues e dia aki pueblo lo bay conoce ken lo vota "VOOR" pa Rijkswet HOFA y asina publicamente pueblo lo conoce e traidornan oficial, entreguistanan y bende patria di Aruba su autonomia y libertad. Nos sa cu despues di e splicacion di tanto Professor Peter Nicolai y awor un advies por escrito di Professor Elzinga unda tur a caba cu e Rijkswet HOFA cu ta riba mesa varios Parlamentarionan di AVP a cuminsa pensa diferente. Pueblo lo bay tey pa miranan den nan cara dia 29 di October proximo.

Conseho di Raad van State a caba cu Rijkswet COHO y RAFT

Mescos cu Fraccion di MEP a haci na aña 2020 momento cu Hulanda na un manera brutal y bergonsoso a forsa Aruba cu 2 Rijkswet COHO (CHE), y RAFT a cambio di prestamo di placa den momentonan cu mundo henter tabata pasando den situacionnan doloroso. E tempo ey MEP a pidi conseho por escrito di Professor Hoogers na Hulanda kende ta experto y specialisa den leynan constitucional y ta consehero di gobierno Hulandes riba e temanan aki. E conseho a resulta devastador riba COHO y RAFT e tempo aya. Pesey strategicamente nos a anticipa cu e leynan ey lo no pasa cu un conseho postivo di Raad van State. Pesey nos por a sigui negosha cu Hulanda na un manera strategico. Dicho hecho

Raad van State su conseho a caba cu e leynan ey.


Professor Elzinga ta confirma cu un Bestuurlijkakkoord no ta bindend

Mike Eman, Gerlien Croes y Geoffrey Wever manera traidornan di pais Aruba y ladronnan di anochi a entrega nos autonomia financiero 29 di Augustus ultimo na Hulanda a cambio di un saco di placa. Momento nan a presenta Rijkswet HOFA "FIRMA" pa nan tres Fraccion di MEP a haya esaki un insulto total como cu nan no a cumpli cu e proceso di bin Parlamento "promete" pa wak si tin sosten (consensus) y no a consulta cu gremio, sindicato y pueblo riba un tema asina serio. Fraccion di MEP a pidi conseho por escrito di Professor Elzinga di Hulanda experto specialisa riba Staatsrecht y Koninkrijk riba HOFA di Mike Eman y Gerlien Croes. Conclusion di e conseho aki ta cu Rijkswet HOFA no ta bon y no ta beneficoso pa Aruba. E argumento fofo cu AVP-Futuro ta sconde nan mes tras di dje cu Evelyn Wever Croes a firma, Professor Elzinga a caba cu esaki y tabata hopi cla: "Het bestuursakkoord van 2024 bevat de intentie van partijen om de route van de consensusrijkswet te volgen, maar die intentie levert "NIET" een sluitende juridische binding op". Professor Elzinga tabata hopi cla den su advies. Un Bestuurlijkakkoord huridicamente NO ta bindend. Pues esey NO ta mara pais Aruba na nada. Riba HOFA mes Professor Elzinga a termina bisando, "door aanvaarding van de Rijkswet HOFA neemt Aruba een gok



met vooralsnog onvoorspelbare effecten. Beter ten halve gekeerd dan ten hele gedwaald". Pues

mihor bo stop awor y negosha algo mihor enbes di purba coregi ora ya ta laat. Spierta Gobierno!



AAA TA UN PARTNER IMPORTANTE DEN E VISION DI REFORESTACION

Prome Minister Eman a comparti su vision di sostenibilidad cu liderazgo di Aruba Airport Authority

Durante un reunion cu Aruba Airport Authority, Prome Minister mr. Mike Eman a comparti su vision pa e plan nacional di reforestacion. Prome Minister Eman a acerca AAA despues cu a core rond y busca sitionan cu por haya un bida nobo cu mas mata y embeyecimento.

Cu AAA, a papia riba e driehoek dilanti entrada di Aeropuerto Internacional Reina Beatrix riba cual Prome Minister ta mira e potencial di planta mas mata y haci esaki asina mas bunita. Den e diano cu ta sigui, lo concretisa e plan y di pone fecha pa hunto cu e empleadonan di aeropuerto, planta mas mata y haci e area aki un ehempel pa otronan por sigui.

Gobierno ta acercando varios entidad pa tambe uni na e causa noble aki pa por haci Aruba mas berde y mas bunita. AAA ta un ehempel cu hopi por sigui, mirando cu nan proyectonan tur ta acopla na practicanan sostenibel y ta inclui cuido di naturalesa pa cual e comunidad por ta hopi orguyoso. AAA ta mara su structura na e UNSDG's locual hopi otro aeropuerto rond mundo no ta haci y ta importante pa para keto riba cuanto cos cu ta haci y con avansa Aruba ta riba e area di sostenibilidad.

AAA a comparti con nan plan pa coopera cu e plan di reforestacion aki ta fit cu e plan mas grandi cu nan tin y e fondonan cu nan tin aloca pa sosten comunitario, ta dirigi hopi riba e 17 SDG's. Ta bunita pa recorda con e prome compania cu a uni na e causa aki ta ZARA cu a adopta e rotonde chikito patras di Bestuurskantoor riba e mesun dia cu a anuncia e

proyecto di cien mil mata.

Awe ta mira con un otro partner ta uni na e causa aki den e caso aki AAA. Prome Minister Eman ta anhele pa mira participacion di hotelnan y Airbnb's tambe den e vision importante aki pa slo solamente yuda planta mata y embece e areanan pafu di nan propiedad pero tambe pa adopta espacionan publico y mantene esakinan den bon calidad.

James Fazzio, CEO interino, y Angeline Flemming, Director di Health and Sustainability di Aruba Airport Authority N.V. (AAA), tabata presente pa intercambia e vision comparti riba sostenibilidad y restauracion ambiental di nos isla.

Aruba a pasa den hopi transformacion durante e añanan, y mientras progreso a trece crecimiento, e desaroyo a afecta e balansa natural tambe. Pa medio di colaboracion cu institucionnan manera AAA, por tuma paso concreto pa restaura loke a perde y move nos isla na un futuro mas berde y sostenibel.

Segun Angeline Flemming, e iniciativa ta un complemento perfecto pa e strategia di sostenibilidad di AAA.

E industria di aviacion ta genera hopi emision di carbono, y AAA ya tin hopi aña dedicando su mes pa compensa e impacto ambiental. E proyecto aki ta un extension natural di e compromiso y ta cuadra perfectamente den e meta general di sostenibilidad di AAA. Durante varios aña caba, AAA tin un rol como frontrunner regional den sostenibilidad, semper trahando pa cumpli cu certificacionnan y standardnan internacional. Durante e reunion, e team di AAA a presenta na gobierno nan ultimo iniciativa di sostenibilidad y a duna un



presentacion di e proyectonan pa futuro cu lo sigui fortifica e desempeño ambiental di Aruba. Segun Fazzio, hasta den e desaroyonan grandi di construccion, sostenibilidad semper ta un parti fundamental for di principio y ta un parti integral di ken AAA ta y con nan ta opera.

Fazzio a expresa cu Angeline Flemming y su team ta ehempelnan fuerte den region: "AAA no ta sigui tendencia, sino nan ta tuma

e liderato". E actitud proactivo aki ta haci AAA un partner balioso den e caminda nacional pa sostenibilidad.

E colaboracion entre Gobierno di Aruba y AAA lo ta enfoca riba proyectonan cu ta contribui na e Sustainable Development Goals (SDG's), specialmente esnan relaciona cu biodiversidad y naturalesa. Ambos a reafirma nan compromiso pa traha hunto riba innovacion y sostenibilidad pa un Aruba mas berde y mas fuerte.

ARUBA TOURISM AUTHORITY CONHUNTAMENTE CU ARUBA PORTS AUTHORITY NV A YAMA BON BINI NA NORWEGIAN ESCAPE DURANTE SU BISHITA INAUGURAL NA ARUBA



Aruba a celebra cu orguyo e bishita inaugural di Norwegian Escape diadomingo 19 di october 2025, marcando un otro momento importante den e relacion fuerte entre Aruba y Norwegian Cruise Line (NCL).

Presente tabata Monica Bos, Cruise Manager di Aruba Tourism Authority, Marc Figaroa, CEO di Aruba Ports Authority NV (APA) y Mario Arends, Commercial Manager di Aruba Ports Authority. Port agency S.E.L. Maduro & Sons, tambe a uni pa e ocasion. E delegacion a ricibi un bon bini caluroso abordo di Norwegian Escape, unda tabatin un ceremonia tradicional di intercambio

di plakkaat. E intercambio aki ta un custumber maritimo estableci den cual e capitan di e barco y representantenan di e waf ta intercambia plakkaat conmemorativo pa simbolisa amistad, colaboracion, y celebracion di e prome bishita di e barco na e destinacion.

“Bon bini na nos One Happy Island Aruba,” Monica Bos a expresa. E la continua su palabra di bon bini bisando: “Den nomber di Aruba Tourism Authority, Gobierno di Aruba, y pueblo di Aruba, nos ta gradici boso pa e bishita na nos isla. Na e Capitan y tripulacion di Norwegian Escape y henter famia di Norwegian



Cruise Line, masha danki pa scoge Aruba.”

Tocante Norwegian Escape

Lansa den 2015, Norwegian Escape ta un di Norwegian Cruise Line su barco di clase Breakaway Plus, cu ta ofrece un experiencia moderno di crucero cu un capacidad di mas cu 4,200 huesped y cu caracteristicanan innovativo manera world-class dining, entretenimento cu a gana premiacion, y facilidadnan pa famia. E barco ta refleha e compromiso di NCL pa brinda vakantienan inolvidabel mientras ta inverti continuamente den satisfaccion di e huesped y sostenibilidad.

Tocante Norwegian Cruise Line (NCL)

Norwegian Cruise Line ta un lider global den industria di crucero, operando un flota di 19 barconan moderno cu ta nabega pa mas o menos

400 destinacion mundial. E linea ta conoci pa su concepto di “Freestyle Cruising” cu ta duna mas libertad y escogencia na e huesped, y tambe pa su iniciativanan sostenibel.

NCL ta avansando su programa “Sail & Sustain”, cu ta inclui inversion den futuro barconan pa asina reduci emision di gas, eliminacion di plastic di un solo uzo den henter e barco, uzo sostenibel di productonan di pesca, y colaboracion pa desaroyo di “green technologies”. E compania a compromete pa logra emision net-zero pa 2050.

Fortaleciendo Industria di Crucero di Aruba

E bishita di Norwegian Escape ta demonstra cu Aruba ta keda un destinacion atractivo y preferi den Sur Caribe. Aruba ta un partner clave pa lineanan di crucero manera NCL cu ta sigui trece miles di bishitante na e isla tur aña.

Aruba Tourism Authority, Aruba Ports Authority NV, y su partnernan ta sigui dedica y traha pa mehora e experiencia crucero pa e huespednan mientras ta sostene iniciativanan sostenibel pa e industria y comunidad di Aruba.

Clasificados

SOLODIPUEBLO@GMAIL.COM
CEL. 585 9500

APERTURA PROYECTO TRAINING HERENCIA CULTURAL SUBACUATICO NA MANA



Durante e periodo di 21 di october pa 10 di november 2025 Aruba tin e honor di ta anfitrión di un training sumamente importante

den cuadro di Herencia Subacuatico den Reino Hulandes. Diamars dia 21 di october, Minister di Educacion, Hubentud,



Inovacion, Asuntunan di Reino y Deporte, mr. Gerlien Croes a habri e prestigioso training aki na Museo Arqueologico Nacional Aruba (MANA) cu un conferencia di prensa.

E training ta financia den su gran mayoria pa Rijkdienst voor het Cultureel Erfgoed (RCE) y cu sosten di Pais Aruba pa medio di MANA. E proyecto ta forma parti di e programa di 'Maritiem Erfgoed Internationaal' di Hulanda. Tres trainer di RCE ta responsabel pa e contenido teoretico y practico. MANA ta encarga cu e parti logistico, organisatorio, administrativo financiero y coordinacion. E entrenador principal y lider di e proyecto concerni ta Martijn Manders, profesor special di arqueologia subacuatico y maneho maritimo na Universidad di Leiden. E training intensivo ta di dialuna pa diasabra durante tres siman.

Reino Hulandes ta den e proceso di preparacion

pa ratifica e tratado di UNESCO (2001) pa proteha herencia cultural subacuatico. Den e cuadro aki ta sumamente importante pa cada miembro di Reino Hulandes tin profesionalnan cu conocimiento pa proteccion y concientisacion tocante herencia subacuatico.

RCE a selecta 13 profesional di e islanan caribense den Reino pa participa. Gran parti ta traha cu of ta afilia na organisacionnan civico pa proteccion di naturalesa y/of herencia cultural. Cada un mester a cumpli cu otro rekisitonan specifico, manera ta certifica den "PADI advanced open water" y a haci un minimo cantidad di trenta sambuya. Di Aruba ta participa cuidador marino Shane Thielman di Aruba Conservation Foundation, ecologista Oriana Wouters y arqueologon Harold Kelly y Raymundo Dijkhoff pa MANA. Intencion ta pa den futuro cercano tur participante duna un aporte na conservacion di herencia maritimo den

nan respectivo isla.

Durante e conferencia di prensa director interino di MANA Pancho Geerman a subraya cu educacion continuo ta parti di e mision di MANA. Educacion cu ta alimenta door di investigacion cientifico historico/arkeologico.

Profesor Martijn Manders ta hopi contento cu e colaboracion cu ela haya cu Pais Aruba/ MANA y a splica e importancia di e training aki. No ta trata solamente arkeologia, pero mas importante conserva y maneha arkeologia.

Den su discurso di apertura Minister Croes a enfatisa cu miembronan di Reino Hulandes ta conecta door di un herencia comparti. Artefactonan den nos lama no ta solamente arkeologia pero ta conecta nos culturalmente cu nos ancestroonan y cu otro. Cu e training aki ta honra e herencia cultural di nos ancestroonan pero tambe ta pa conserv'e y pas'e pa futuro generacionnan como un herencia bibo!

Parlamentario Jennifer Arends-Reyes: FESTIVAL AUTENTICO TA UN CELEBRACION DI NOS IDENTIDAD GASTRONOMICO



ORANJESTAD (20 di october 2025) – Parlamentario Jennifer Arends-Reyes kier a expresa su gran aprecio pa e organisacion di Aruba Tourism Authority y partnernan cu a haci di e festival gastronomico Autentico un exito rotundo. E evento aki cu a tuma luga

den e fin di siman tra'i lomba, a demostra di ta hopi mas cu solamente un festival di cuminda; e ta un manifestacion di nos identidad nacional, y exposicion di talento local cu den transcurso di dos dia tanto local como huespednan ta

goza di un ambiente cu entretenimento local y historia. Aruba ta conoci mundialmente pa su playa y turismo, pero nos gastronomia ta un tesoro cu mester bin mas biaha na luz principal. Durante e festival, nos ta mira chefnan, cushina local, studiantenan y emprendedornan culinario realsa e rikeza di nos cuminda: di cuminda di lama fresco, stoba, funchi, pan boyo, te e uzo creativo di ingredientenan autoctono. Esaki ta cultura bibo riba un tayo.

Arends-Reyes, como presidente di e comision di turismo di Parlamento di Aruba, ta kere cu eventonan manera Autentico por yega na bira un pilar den nos strategia di turismo. E tin un balor cu ta atrae hende cu ta busca experencianan real y sostenibel. “Ta atrae huespednan cu ta aprecia nos cuminda autentico, nos historia, y cu ta forma un diversificacion economico den e cuadro grandi di mercadonan niche pa Aruba,” asina e parlamentario a culimina bisando.

Spring is Here!

Across

- It warms and brightens everything.
- Warm up from a freeze.
- They make honey.
- Meal in the park.
- Colorful arc in the sky.
- It keeps the rain off you.
- The color of spring grass.
- Where a bird lives.
- An adult caterpillar.
- A baby chicken.
- What chicks hatch from.
- It comes after winter.
- Red insect with black spots.

Down

- Come out of an egg.
- Wiggly creature that lives in the ground.
- Short rainfalls.
- Small pool of rain.
- What the lawn is made of.
- Another name for a rabbit.
- A spring holiday.
- Holland is famous for this flower.
- Just a little wind.
- Flower on a tree.
- It is green and on a plant.
- It might hide the sun.

Word Bank: Bees, Blossom, Breeze, Buggy, Butterfly, Chick, Cloud, Easter, Eggs, Grass, Green, Hatch, Ladybug, Leaf, Nest, Ponds, Puddles, Rainbow, Showers, Spring, Sunshine, Thaw, Tulip, Umbrella, Worm

7 ALIMENTO CU POR MEHORA BO BEIS

E alimentonan cu bo ta come no solamente ta determina con bo ta zit eruit, sino cu tambe ta influi bo pensamiento, emocion y accionnan.

Hopi ta e alimentonan cu por desahusta bo sistema nervioso, treciendo como consecuencia mal beis, cansancio, ansiedad y depresion.

Purba e siguiente alimentonan cu por mehora bo humor. P'esey, si bo a nota cu semper bo ta di mal humor of bo ta sinti un disgusto.

Taunopcionmassaludabel, economico y simpel na luga di usa remedi. Solamente tene na cuenta cu si bo emocionnan no ta stabilisa, ta un bon idea pa bishita un psicologo.

Algunbiahaeproblemanan cu no tin di haber cu loke nos ta come, sino cu e hendenan cu ta rond di nos y e situacionnan cu nos ta biba aden.

1. Cacao of chuculati puro
E prome di e alimentonan cu ta mehora bo humor, ta cacao. E tin un efecto estimulante di felicidad, debi na e teobromina. E kimico aki ta yuda na:

- Aumenta e nivelnan di serotonina y dopamina den e organismo
- Ta relaha e sistema nervioso
- Ta disminui e estadonan di ansiedad y depresion

Cacao tambe ta contene triptofano, un kimico cu ta fomenta e liberacion di serotonina. Pa tur su beneficiannan, nos ta recomendabo come un pida repi di chuculati puro of cacao pa dia, pa asina mehora e estadonan di depresion y ansiedad. Lo unico cu bo mester vigila ta cu e chuculati scogi, ta di un contenido halto di cacao. Idealmente e mester ta riba 65%.



2. Noot of nechi

E di dos di e alimentonan cu ta mehora bo beis ta noot of nechi. E ta aporta na e organismo acidonan graso omega 3, cu esaki no ta produci door di su mes. Ora cu bo curpa no obtene suficiente omega 3, e por drenta den estadonan depresivo. Nootnan tambe ta contene triptofano, di cual ya nos a menciona caba.

- Nos ta recomenda consumi 5 noot pa dia pa asina mantene un beis mas stabil.

- Corda cu bo por añadi nan na bo batidonan, na bo desertnan of simplemente come nan como colacion.

3. Bacoba

Bacoba ta otro di e alimentonan cu ta mehora bo beis y cu bo tin cu inclui den bo dieta diario of por lo menos dos biaha pa siman.

Su beneficio na bo emocionnan ta debe na e contenido halto di vitamina B6. Esaki ta interveni den e proceso di transformacion di e compuestonan proteicos di serotonina. Ademas, door cu e ta contene acido folico, vitamina C y fibra vegetal, e ta mehora bo defensanan.

4. Simiya di sesamo

E simiyanan aki ta un di e



alimentonan cu ta mehora bo beis pasobra e ta aporta na treonina.

Esaki ta un aminoacido esencial cu e organismo no por produci y sintetisa di su mes di forma natural. Ora cu tin nivelnan abao di treonina, bo por experiment tristesa cronico.

- Pa obtene e nutriente aki, nos ta recomendabo inclui un telep di simiya di sesamo den bo saladanan of usa su azeta como parti di bo platonan.

5. Salmao y otro pisca

Otro di e alimentonan cu ta mehora bo beis pasobra nan ta rico den acidonan graso omega 3, ta salmao, tuna of sardin.

Esakinan ta incidi directamente den e eficiencia di e movimiento di algun neurotransmisor, cual deficiencia por provoca estadonan depresivo.

- Ta recomendabel inclui por lo menos un porcion di e piscanan aki na bo dieta semanal.

- Si ta posibel, inclui nan tres biaha pa siman compana pa berdura. Sigura cu e pisca cu bo cumpra ta di bon calidad y liber di contaminante. Esaki ta specialmente importante cu salmao, ya cu algun specimen obteni di criaderonan ta alimenta

Ora cu bo ta sinti cu esaki ta sosodiendo, realiza un revision di glucose pa determina si esey ta e problema.

7. Carni cora magro

E ultim di e alimentonan cu ta mehora bo beis ta carni magro. Esakinan ta rico den acido linoleico, un vet natural cu ta yuda combati stress y e acumulacion di vet den curpa.

E carninan aki tambe ta aporta na hero y omega 3 cu ta yuda mehora e salud celebral.

- Ademas, ta hopi recomendabel cu ora di cushina e carninan, haci'e cu e menor cantidad di salo y vet posibel. Asina, nos lo ta consumiendo e producto sin cosnan añadi y nos lo evita otro problemanan asocia. Manera por ehempel hipertension of aumento di peso.

Un batido pa mehora bo beis

Un opcion simpel di inclui e alimentonan cu ta mehora bo beis, ta atraves di baticonan. Lo unico cu bo mester vigila, ta pa e no excede cu e cantidad ya cu ta hopi simpel pa experimenta cu pieknan di glucose.

Purba cu e opcion aki, lo bo descubri cu e ta dushi y hopi simpel.

Prueba con esta opción, descubrirás que es deliciosa y muy sencilla.

Ingrediente

- 1 cup di lechi sin vet (250 ml)
- 1/2 bacoba
- 5 noot
- 1 telep di cacao of un pida chuculati marga (5 g)

Preparacion

- Pone tur e ingredientenan aki den un blender y mesclanan te ora cu obtene un mescla homogeno y bebe di

cu kimico cu por afecta bo humor.

Si bo ta opta pa consumi tuna, percura pa eligi e opcionnan den pidanan natural. Aunke e ta hopi economico come tuna di bleki, esaki ta contene nivelnan halto di salo y di BPA, tambe conoci como bisfenol.

6. Alimentonan rico den fibra

Alimentonan rico den fibra soluble ta yudabo na cambia e estado di animo ora cu esaki ta debe na e alteracionnan den bo nivelnan di suco den sanger.

Si bo ta diabetico, controla bo nivelnan corespondiente. Corda cu e glucose eleva no solamente ta afecta e funcionamiento di bo organonan interno: tambe lo ponebo experimenta diverso emocionnan negativo den cuestion di minuut.

Atlas Classic Curacao 2025 a tuma luga 16, 17 y 18 di October 2025



Durante e strength sport festival aki e nomber di Aruba a resona. E atleta Elton Trezil kende ta practica e disciplina di Bodybuilding a representa Aruba dignamente. Elton a resalta y a sali di dos luga den e categoria di Men's Physique. Un palabra di elogio ta bai na su coachnan Hemradj Mulai y Rosmery Rondón y na cada un di e atletanan cu a forma parti di e competencia aki. Pabien Elton!



Clasificados

SOLODIPUEBLO@GMAIL.COM
CEL. 585 9500

SOPI DI LETRANAN

G	W	A	T	P	E	P	R	O
Q	H	N	D	U	M	W	H	Y
K	I	E	B	R	O	W	N	E
U	T	R	B	P	H	L	J	L
W	E	M	X	L	R	O	B	L
P	T	G	R	E	E	N	V	O
I	Z	H	O	V	D	W	L	W
N	B	L	A	C	K	K	R	Y
K	E	X	C	L	B	L	U	E

RED

ORANGE

YELLOW

GREEN

BLUE

PURPLE

PINK

BROWN

BLACK

WHITE

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

FORTALEZA PA FAMILIA

Scirbi pa Pastor Marcel Balooje.

SALBACION TA UN REGALO DI DIOS Y UN NECESIDAD PA TUR SER HUMANO

Si no tabata asina, Dios lo no a manda Su yiu unigenito pa ken cu kere den dj'E no bay bay perdi ma tin bida eterno.

Efesionan 2:8-9 ta para scirbi: Pasobra pa medio di gracia boso ta salba door di Fe, y esey no di boso mes, e ta don di Dios, no como resultado di obranan, pa ni un hende no por gaba.

Salbacion ta un regalo di Dios, y nos tur tin cu comprende cu un regalo ta gratis, bo no a traha pe, pasobra e preis di salvacion ta Cristo Hesus a paga pe na crus, ningun hende no por gana salvacion ni traha pa salvacion.

Pero e ta un necesidad pa tur hende, pasobra e palabra di Dios ta bisa, esun cu kere lo salba, ma esun cu no kere lo ta condena, pasobra e no a kere den e Yiu unigenito di Dios.

Hesus a splica Nicodemo bon cla cu esun cu no nace di nobo e no por mira e reino di Dios. (Juan 3:3).

Den Juan 3:5 Hesus ta bolbe contesta y bisa, di berdad, di berdad mi ta bisa bo, si un hende no nace di awa y di e spirito, e no por drenta e reino di Dios.

Den e bida aki nos tur mester acepta Cristo Hesus como nos Senyor y Salvador, pasobra Cristo Hesus ta e caminda, e berdad y e bida, ni un hende por yega serca e Tata sino ta pa medio di dj'E.

Henter famia mester entrega nan bida na Cristo, pasobra ta para scirbi cu tur rudia lo dobla, y tur lenga mester confesa cu Cristo ta Senyor pa gloria di Dios Tata.

Esaki no ta asunto di religion, pasobra salvacion ta personal pa cada un di nos, pasobra e palabra di

Dios ta bisa den Romanonan 10:9, cu si bo confesa cu bo boca Hesus como Senyor y kere den bo curason cu Dios a lant'E for di mortonan lo bo ta salba, pasobra cu curason hende ta kere pa hanja husticia, y cu boca e ta confesa pa hanja pa hanja salvacion.

Si bo tin un amigo cu no ta hanja cu salvacion ta necesario, haci hopi oracion pe asina e entrega su bida na Cristo Hesus, pasobra no tin speransa pa esnan cu no ta reconoce Cristo Hesus como Senyor y Salvador.

Dios mes a bisa den su palabra cu esun cu no a kere su Yiu unigenito cual ta Cristo Hesus, lo bay perdi, pasobra nan no a kere den Su Yiu, y nan lo cay bao di condenacion, pasobra Dios a stima mundo y a manda Su unico Yiu y nan a prefera di stima scuridat, y no E lus.

Cristo Hesus no a bini pa condena e mundo pero pa e mundu wordo salba door di dj'E.

Awor mas cu nunca nos ta mira e necesidad di salvacion den henter e mundo, tur e senjalnan ta muestra den direccion den e binida di Cristo Hesus pa busca tur esnan cu a kere den dje y a perservera wardadando su binida. (Mateo 24:13).


No lubida locual ta para scirbi den Juan 3:36 : Esun cu kere den e Yiu tin bida eterno, ma esun cu no obedece e Yiu lo no mira bida, ma e furia di Dios lo keda riba dje.

Si awe bo lesa of scucha e palabra di Dios, no haci bo curason duro, no rechasa bo salvacion, pasobra no tin otro Salvador cu no ta nos Senyor Cristo Hesus.

Entrega bo bida awe.

"Dios ta amor y esun cu ta biba cu amor ta keda den Dios y Dios ta keda den dj'E."
1 Huan 4:16

Cu hopi tristesa pero conforme cu boluntad di Dios nos ta anuncia fayecimento di nos ser stima:



Juan A.C. Croes
Mihor conoci como: "Ety".
*28 Augustus 1950 †17 October 2025

Na nomber di su:
Mayornan: †Anselmo & †Maria Francisca Croes-Everon

Yiunan: Noraida & Juni Carolina-Croes
Vanessa Croes

Yiunan di criansa: Francis y Miriam Albertus-Patiño
Elvis Albertus & Daisy Rojas

Nieto(a)nan: Roxanne Carolina & Bryan Kock
Dion Carolina

Bisanieta stima: Jennevíve Carolina
Mascota di cas: Nala Carolina

Rumannan: Miano & Yolanda Croes-Rafini y famia
Lucio & Marina Croes-Schutte y famia (na Hulanda)
Miriam Croes & Jan Meijndert y famia
Cornelia Biesum y famia
† Hendrik & Maca Croes-Everon y famia
† Mario Croes y famia
† Bibiano Croes y famia
† Valerio Hernandis
† Mito Hernandis y famia

Mama di su yiunan: Carmen Lampe
Tanta- y Omonan
Subrino y subrinanan, primo y primanan, ihanan, amigonan y conocirnan.
Famia di scol Amplio Nos Cosecha
Ex coleganan di: Antonio's, Inmigracion & SVB.


Demas famia: Croes, Everon, Carolina, Albertus, Rafini, Schutte, Meijndert, Biesum, Hernandis, Lampe, Kelly, Arends, Henriques, Kock, Patiño, Rojas, Ridderstap,

Ta invita pa acto di entierro cu lo tuma lugar Diasabra, 25 di October 2025 na Misa Inmaculada Concepcion di 2:00pm pa 4:00pm, despues lo sali pa santana Catolico na Sta Cruz.

Condolencia lo tuma lugar Diabierna, 24 di October 2025 na Aurora Funeral Home di 7:00pm pa 9:00pm.

Un danki special na e departamento di Oncologia.

DOS PERSONA HERIDA, DESPUES DI ACCIDENTE ENTRE BROMMER CU AUTO



Tanki Leendert - Diamars merdia rond di 1'or y mey polis a bay cu urgencia poco pabou di rotonde di Tanki Leendert, unda un brommer cu auto a accidenta.

Tanto e motociclista y e señora chauffeur tawata herida. Por a mira cu e impacto di e brommer un Suzuki tawata den e banda links di e Hyundai

io.

Dos ambulance tawata necesario y tambe brandweer pa corta e porta di e auto pa saca e señora pa asina Paramediconan por atende cu ne.

Polis di trafico a presenta pa atende cu e accidente y tambe a solicita pa takelwagen.

 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - October 21, 2025																																									
CATACHI Sorteo # 4779 9258 5059 4554 X2 BIG 4 Sorteo # 4779 3859 X2 OFF Sorteo # 2835 9499 ZODIAC Sorteo # 4779 8105 Sagitario LUCKY 3 Sorteo # 1653 691 FP	<table> <tr> <td>LOTTO 5</td><td>Joker Letter</td></tr> <tr> <td>0/x Jackpot</td><td>Proximo Jackpot</td></tr> <tr> <td>0/x Match 4+</td><td>190.000,-</td></tr> <tr> <td>0/x Match 4</td><td></td></tr> <tr> <td>0/x Afl. 12,00</td><td></td></tr> </table> <table> <tr> <td>LOTTO DIA</td><td>Proximo Jackpot</td></tr> <tr> <td>0/x Jackpot</td><td>73.000,-</td></tr> <tr> <td>0/x Match 4</td><td></td></tr> <tr> <td>0/x Afl. 8,00</td><td></td></tr> </table> <table> <tr> <td>MEGA</td><td>Mega Ball Proximo Jackpot</td></tr> <tr> <td>0/x Jackpot</td><td>350.000,-</td></tr> <tr> <td>0/x match 4</td><td></td></tr> <tr> <td>0/x Afl. 500,00</td><td></td></tr> <tr> <td>0/x Afl. 50,00</td><td></td></tr> <tr> <td>0/x Afl. 15,00</td><td></td></tr> </table> <table> <tr> <td>MEGA</td><td>Afl. 460.000,-</td></tr> </table> <table> <tr> <td>KORSOU</td><td>Sorteo #</td></tr> <tr> <td></td><td></td></tr> <tr> <td></td><td></td></tr> <tr> <td></td><td></td></tr> </table>	LOTTO 5	Joker Letter	0/x Jackpot	Proximo Jackpot	0/x Match 4+	190.000,-	0/x Match 4		0/x Afl. 12,00		LOTTO DIA	Proximo Jackpot	0/x Jackpot	73.000,-	0/x Match 4		0/x Afl. 8,00		MEGA	Mega Ball Proximo Jackpot	0/x Jackpot	350.000,-	0/x match 4		0/x Afl. 500,00		0/x Afl. 50,00		0/x Afl. 15,00		MEGA	Afl. 460.000,-	KORSOU	Sorteo #						
LOTTO 5	Joker Letter																																								
0/x Jackpot	Proximo Jackpot																																								
0/x Match 4+	190.000,-																																								
0/x Match 4																																									
0/x Afl. 12,00																																									
LOTTO DIA	Proximo Jackpot																																								
0/x Jackpot	73.000,-																																								
0/x Match 4																																									
0/x Afl. 8,00																																									
MEGA	Mega Ball Proximo Jackpot																																								
0/x Jackpot	350.000,-																																								
0/x match 4																																									
0/x Afl. 500,00																																									
0/x Afl. 50,00																																									
0/x Afl. 15,00																																									
MEGA	Afl. 460.000,-																																								
KORSOU	Sorteo #																																								



Cu profundo tristeza Directiva, Staf y Personal di Lotto ta anuncia fayecimento di

Magdalena Croes - Dirksz

Na bida doño di Nena's Lottery

Nos mas profundo palabranan di condolencia ta bay na henter famia